

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԵՐԵՎԱՆ ՔԱՂԱՔԻ ԱՎԱԳԱՆԻ

_____ 2020թ.

N__Ա

ՈՐՈՇՈՒՄ

**ԵՐԵՎԱՆ ՔԱՂԱՔԻ ԱՎԱԳԱՆՈՒ 2018 ԹՎԱԿԱՆԻ ԴԵԿՏԵՄԲԵՐԻ
25-Ի N 45-Ա ՈՐՈՇՄԱՆ ՄԵՋ ՓՈՓՈԽՈՒԹՅՈՒՆՆԵՐ
ԿԱՏԱՐԵԼՈՒ ՄԱՍԻՆ**

«Նորմատիվ իրականացման ակտերի մասին» օրենքի 34-րդ հոդվածի 1-ին մասին համապատասխան՝

Երևան քաղաքի ավագանին որոշում է՝

1. Երևան քաղաքի ավագանու 2018 թվականի դեկտեմբերի 25-ի «Երևանի զարգացման 2019-2023 թվականների հնգամյա ծրագրի հաստատման մասին» N45-Ա որոշման մեջ կատարել հետևյալ փոփոխությունները՝

1) Որոշման հավելվածի «Սպորտ, Երիտասարդության հետ տարվող աշխատանքներ, Մշակույթ, Երեխաների իրավունքների պաշտպանություն» բաժնի վերնագիրը շարադրել նոր խմբագրությամբ՝ «Սպորտ, Երիտասարդության հարցեր, Մշակույթ, Երեխաների իրավունքների պաշտպանություն»:

2) «Երիտասարդության հետ տարվող աշխատանքներ» ենթաբաժնի վերնագիրը շարադրել նոր խմբագրությամբ՝ «Երիտասարդության հարցեր»:

3) «Երիտասարդության հարցեր» ենթաբաժինը շարադրել հետևյալ խմբագրությամբ՝

«Երևան համայնքը նպատակ ունի բարձրացնել համայնքում բնակվող երիտասարդների հասարակական, քաղաքացիական, սոցիալ-տնտեսական և մշակութային մասնակցության մակարդակը, ինչպես նաև մշակել և իրականացնել Երևան համայնքի երիտասարդության զբաղվածության և սոցիալ-տնտեսական հիմնախնդիրների լուծմանն ուղղված ծրագրեր:

Երիտասարդները Երևան համայնքի առավել դինամիկ հատվածն են և անհրաժեշտ է երիտասարդներին ներգրավել համայնքի կառավարման գործընթացում և նրանց մասնակից դարձնել քաղաքի ամենատարբեր խնդիրների լուծմանը՝

օգտագործելով երիտասարդների ստեղծարար և նորարարական գաղափարները հանուն համայնքի զարգացման:

Երևան համայնքը նախատեսում է մշակել և իրականացնել Երևան համայնքի տեղական երիտասարդական քաղաքականությունը, որը համակողմանի կարձագանքի համայնքի երիտասարդների կարիքներին:

Երևան համայնքի երիտասարդներին վերաբերող հարցերի շրջանակը ավելի լայն է, քան կրթությունը, զբաղվածությունը կամ առողջապահությունը, հետևաբար Երևան համայնքի երկարաժամկետ նպատակն է՝ իր երիտասարդական քաղաքականությունը մշակել և իրականացնել հնարավորինս ներառական և համակողմանի:

Հիմնախնդիրներ՝

1. Մայրաքաղաքի երիտասարդության զբաղվածության և սոցիալ-տնտեսական հիմնախնդիրների լուծմանն ուղղված ծրագրերի մշակման և իրականացման անհրաժեշտություն:
2. Երիտասարդների աշխատանքային իրավունքների պաշտպանության ուղղությամբ արհմիությունների հետ համագործակցության հաստատման անհրաժեշտություն:
3. Համայնքային խնդիրների լուծմանն ուղղված ծրագրերի աջակցման ու խրախուսման, ինչպես նաև երիտասարդական կազմակերպություններին և երիտասարդական նախաձեռնություններին համայնքի կառավարման գործընթացին մասնակցության մակարդակը բարձրացնելու անհրաժեշտություն:
4. Մայրաքաղաքում երիտասարդների շրջանում կամավորական աշխատանքի խրախուսման և համայնքում կամավորական մշակույթի խթանման անհրաժեշտություն:
5. Երևան համայնքի երիտասարդական քաղաքականության մշակման անհրաժեշտություն:
6. Տեղական և միջազգային հասարակական կազմակերպությունների հետ համագործակցության, երիտասարդության ոլորտում Երևան համայնքի իրականացվող ծրագրերի արդյունավետության բարձրացման և վերջիններիս իրականացման համար հավելյալ ֆինանսական միջոցներ ներգրավելու անհրաժեշտություն:
7. Երևան համայնքի և հասարակական ու պետական կառույցների համագործակցության արդյունքում Երևանում երիտասարդական և մշակութային համայնքային կենտրոնների ստեղծման կամ առկա մշակութային կենտրոնների վերափոխման անհրաժեշտություն:
8. Երևանի համայնքի երիտասարդների շրջանում իրենց կյանքի տարբեր ոլորտներին առնչվող հարցերի վերաբերյալ իրազեկվածության բարձրացման անհրաժեշտություն:

2019-2023թթ . նախատեսվող աշխատանքներ

1. Երիտասարդների զբաղվածության և սոցիալ-տնտեսական հիմնախնդիրների լուծմանն ուղղված ծրագրերի մշակում և իրականացում, այդ թվում՝ աշխատանքային տոնավաճառներ, Երևանի քաղաքապետարանում և դրա ենթակայության տակ գտնվող կառույցներում աշխատանքային պրակտիկաների

հնարավորությունների ստեղծում, զբաղվածության տարածքային կենտրոնների հետ համագործակցություն, ՀԿ-ների հետ համագործակցությամբ երիտասարդների աշխատանք գտնելու, հմտությունների և կարողությունների զարգացման ուղղությամբ համատեղ ծրագրերի մշակում:

2. Արհմիությունների հետ համագործակցության հաստատում և երիտասարդների աշխատանքային իրավունքների պաշտպանությանն ուղղված համատեղ ծրագրերի մշակում և իրականացում:
3. Երևան համայնքի խնդիրների լուծմանը միտված երիտասարդական կազմակերպությունների և երիտասարդների նորարարական ծրագրերի և գաղափարների խրախուսում և ֆինանսավորում:
4. Երիտասարդների ներգրավում քաղաքապետարանի և իր ենթակայության տակ գտնվող կազմակերպությունների կողմից իրականացվող ծրագրերին և միջոցառումներին՝ որպես կամավորներ:
5. Երևան համայնքի երիտասարդական քաղաքականության 5-ամյա ռազմավարության և դրա իրականացմանն ուղղված ճանապարհային քարտեզի և գործողությունների պլանի մշակում, որում մանրամասն կներկայացվեն համայնքի կողմից երիտասարդների հետ իրականացվող ծրագրերը:
6. Տեղական և միջազգային հասարակական կազմակերպությունների հետ համագործակցության խորացում, համատեղ ծրագրերի մշակում և իրականացում, երիտասարդության ոլորտում համայնքի կողմից իրականացվող ծրագրերի արդյունավետության բարձրացում և դրանց իրականացման համար հավելյալ ֆինանսական միջոցների ներգրավում:
7. Երևանում համայնքային երիտասարդական և մշակութային կենտրոնների հիմնադրման և վերափոխման ուղղությամբ միջոցառումների իրականացում և այդ կենտրոնների հիմնադրում և վերափոխում, որոնք կդառնան երիտասարդների համար համայնքային հարթակներ՝ կրթվելու, ինքնակատարելագործվելու, զենեքացնելու և իրագործելու նորարարական գաղափարներ և ծրագրեր:
8. Քաղաքապետին կից երիտասարդական նոր խորհրդի ձևավորում և խորհրդի գործունեությունը արդյունավետ կազմակերպելու համար աջակցություն:
9. Երևանի ենթակայության տակ գտնվող կրթական հաստատությունների և համայնքային ՀԿ-ների հետ համագործակցությամբ դասընթացների և սեմինարների կազմակերպում՝ քաղաքացիական կրթության, ժողովրդավարության, զենդեռային հավասարության, երիտասարդների շրջանում առողջ ապրելակերպի խթանման, ՄԻԱՎ/ՁԻԱՀ-ի, թմրամոլության կանխարգելման, շրջակա միջավայրի հիմնախնդիրների, մշակութային և ստեղծարար ոլորտների զարգացման թեմաներով»:

2□ Սույն որոշումը ենթակա է հրապարակման Երևանի պաշտոնական համացանցային կայքում:

ԵՐԵՎԱՆԻ ԱՎԱԳԱՆՈՒ

ԻՄ ՔԱՅԼԸ ԽՄԲԱԿՑՈՒԹՅԱՆ ԱՆԴԱՄ

Գ. ԵՐԻՑՅԱՆ

ՏԵՂԵԿԱՆՔ-ՀԻՄՆԱՎՈՐՈՒՄ
«ԵՐԵՎԱՆ ՔԱՂԱՔԻ ԱՎԱԳԱՆՈՒ 2018 ԹՎԱԿԱՆԻ ԴԵԿՏԵՄԲԵՐԻ 25-Ի N45-Ա
ՈՐՈՇՄԱՆ ՄԵՋ ՓՈՓՈԽՈՒԹՅՈՒՆՆԵՐ ԿԱՏԱՐԵԼՈՒ ՄԱՍԻՆ» ԵՐԵՎԱՆ
ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ
ԱՆՀՐԱԺԵՇՏՈՒԹՅԱՆ ՎԵՐԱԲԵՐՅԱԼ

Համաձայն «Նորմատիվ իրավական ակտերի մասին» օրենքի 34-րդ հոդվածի 1-ին մասի՝ նորմատիվ իրավական ակտերում փոփոխություն կամ լրացում կատարում է միայն այդ նորմատիվ իրավական ակտն ընդունած մարմինը կամ նրա իրավահաջորդը:

Երևանի զարգացման 2019-2023 թվականների հնգամյա ծրագրի հիմնական նպատակն է՝ նախանշել քաղաքային տնտեսության զարգացման ուղղությունները՝ հաշվի առնելով առկա հիմնախնդիրները, որոնք փաստաթղթում ներկայացված են ըստ առանձին ոլորտների: Ծրագրում առանձին բաժիններով ներկայացված են Երևանի ընդհանուր և Երևանի սոցիալ-տնտեսական վիճակի նկարագրությունը: Ծրագրի նպատակն է՝ ապահովել համակարգային բարեփոխումներ նոր մոտեցումների կիրառմամբ՝ հաշվի առնելով քաղաքացու շահերի և իրավունքների պաշտպանությունը:

Երևանի զարգացման 2019-2023 թվականների հնգամյա ծրագրի առանձին ենթաբաժին է «Երիտասարդության հետ տարվող աշխատանքներ» բաժինը, որտեղ նկարագրված են Երևան համայնքի երիտասարդության հիմնախնդիրները և 2019-2023 թվականներին նախատեսվող աշխատանքները: Երևանի զարգացման 2010-2014 թվականների քառամյա ծրագրից մինչ 2019-2023 թվականների հնգամյա ծրագիրը, ինչպես նաև 2010-ից 2020 թվականների Երևանի զարգացման տարեկան ծրագրերում երիտասարդության մասով կրկնվում և սահմանվում են նույն հիմնախնդիրները և նախատեսվող ծրագրերը, մինչդեռ վերջին 10 տարիների ընթացքում փոխվել են մայրաքաղաքի երիտասարդների կարիքները, հետաքրքրություններն ու հիմնախնդիրները, ինչպես նաև երիտասարդներին աջակցելու մեխանիզմները:

«Տեղական ինքնակառավարման մասին» ՀՀ օրենքի 12-րդ հոդվածի 16-րդ մասի համաձայն՝ համայնքի երիտասարդության խնդիրների լուծմանն ուղղված ծրագրերի և միջոցառումների կազմակերպումը համայնքի պարտադիր խնդիրներն են: Նույն օրենքի Հոդված 46-ը սահմանում է համայնքի ղեկավարի լիազորությունները կրթության, մշակույթի և երիտասարդության հետ տարվող աշխատանքների բնագավառում: Այս բնագավառում համայնքի ղեկավարը կազմակերպում և կառավարում է համայնքային ենթակայության երիտասարդական կենտրոնների և երիտասարդական այլ հիմնարկների ու կազմակերպությունների գործունեությունը, դրանց շահագործման և նորոգման աշխատանքները: Մինչդեռ ժամանակ, «Տեղական ինքնակառավարման մասին» ՀՀ օրենքի Հոդված 46-ի 4-րդ և 5-րդ մասերի համաձայն՝ համայնքի ղեկավարը ստեղծում է պայմաններ երիտասարդական ծրագրերի և միջոցառումների կազմակերպման, անցկացման համար և աջակցում է համայնքում երիտասարդական խնդիրների լուծմանն ուղղված ծրագրերի, միջոցառումների իրականացմանը:

Երիտասարդության հարցերը գտնվում են Երևանի ավագանու «Իմ քայլը» խմբակցության ուշադրության կենտրոնում և 2019 և 2020 թվականներին «Իմ քայլը» խմբակցության ավագանու անդամների կողմից իրականացվել են հանրային լուսմներ և քննարկումներ՝ երիտասարդների, երիտասարդական կազմակերպությունների և միջազգային կազմակերպությունների մասնակցությամբ: Լսումների և քննարկումների արդյունքում պարզվել է, որ Երևանի զարգացման 2019-2023 թվականների հնգամյա ծրագրի «Երիտասարդության հետ տարվող աշխատանքներ» բաժնում նախանշված

հիմնախնդիրներն ու նախատեսվող ծրագրերը չեն արտացոլում մայրաքաղաքի երիտասարդների կարիքները և կա այս ոլորտում հիմնախնդիրների և նախատեսվող ծրագրերի վերանայման կարիք:

Հանրային լսումների և քննարկումների արդյունքում հավաքված առաջարկությունների, ինչպես նաև «Իմ քայլը» խմբակցության ավագանու անդամների ուսումնասիրության և առաջարկությունների արդյունքում՝ կազմվել է Երևանի զարգացման 2019-2023 թվականների «Երիտասարդության հարցեր» բաժինը, որն այս որոշման նախագծով առաջարկվում է ներառել որոշման նախագծի հավելվածում:

Հիմք ընդունելով վերը շարադրվածը, ինչպես նաև «Նորմատիվ իրականական ակտերի մասին» օրենքի 34-րդ հոդվածի 1-ին մասը՝ Երևանի ավագանու հաստատմանն է ներկայացվում «Երևան քաղաքի ավագանու 2018 թվականի դեկտեմբերի 25-ի N 45-Ա որոշման մեջ փոփոխություններ կատարելու մասին» Երևան քաղաքի ավագանու որոշման նախագիծը:

ԵՐԵՎԱՆԻ ԱՎԱԳԱՆՈՒ

ԻՄՔԱՅԼԸԽՄԲԱԿՑՈՒԹՅԱՆԱՆԴԱՄ

Գ.ԵՐԻՅՅԱՆ

ՏԵՂԵԿԱՆՔ

«ԵՐԵՎԱՆ ՔԱՂԱՔԻ ԱՎԱԳԱՆՈՒ 2018 ԹՎԱԿԱՆԻ ԴԵԿՏԵՄԲԵՐԻ 25-Ի N 45-Ա ՈՐՈՇՄԱՆ ՄԵՋ ՓՈՓՈԽՈՒԹՅՈՒՆՆԵՐ ԿԱՏԱՐԵԼՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԱՌՆՉՈՒԹՅԱՄԲ ԱՅԼ ԻՐԱՎԱԿԱՆ ԱԿՏԵՐ ԸՆԴՈՒՆԵԼՈՒ ԱՆՀՐԱԺԵՇՏՈՒԹՅԱՆ ՄԱՍԻՆ

«Երևան քաղաքի ավագանու 2018 թվականի դեկտեմբերի 25-ի N 45-Ա որոշման մեջ փոփոխություն կատարելու մասին» Երևան քաղաքի ավագանու որոշման նախագծի ընդունման առնչությամբ այլ իրավական ակտերի ընդունման անհրաժեշտություն չի առաջանում:

ԵՐԵՎԱՆԻ ԱՎԱԳԱՆՈՒ

ԻՄ ՔԱՅԼԸ ԽՄԲԱԿՑՈՒԹՅԱՆ ԱՆԴԱՄ

Գ.ԵՐԻՅՅԱՆ

ՏԵՂԵԿԱՆՔ

«ԵՐԵՎԱՆ ՔԱՂԱՔԻ ԱՎԱԳԱՆՈՒ 2018 ԹՎԱԿԱՆԻ ԴԵԿՏԵՄԲԵՐԻ 25-Ի N 45-Ա ՈՐՈՇՄԱՆ ՄԵՋ ՓՈՓՈԽՈՒԹՅՈՒՆՆԵՐ ԿԱՏԱՐԵԼՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԿԱՊԱԿՑՈՒԹՅԱՄԲ ԵՐԵՎԱՆԻ ԲՅՈՒՋԵԻ ԵԿԱՄՈՒՏՆԵՐՈՒՄ ԵՎ ԾԱԽՍԵՐՈՒՄ ՍՊԱՍՎԵԼԻՔ ՓՈՓՈԽՈՒԹՅՈՒՆՆԵՐԻ ՄԱՍԻՆ

«Երևան քաղաքի ավագանու 2018 թվականի դեկտեմբերի 25-ի N 45-Ա որոշման մեջ փոփոխություն կատարելու մասին» Երևան քաղաքի ավագանու որոշման նախագծի ընդունման կապակցությամբ Երևանի բյուջեի եկամուտներում և ծախսերում փոփոխություններ չեն սպասվում:

ԵՐԵՎԱՆԻ ԱՎԱԳԱՆՈՒ

ԻՄ ՔԱՅԼԸ ԽՄԲԱԿՑՈՒԹՅԱՆ ԱՆԴԱՄ

Գ.ԵՐԻՅՅԱՆ

Տ Ե Ղ Ե Կ Ա Ն Ք - Ա Մ Փ Ո Փ Ա Թ Ե Ր Թ

**« ԵՐԵՎԱՆ ՔԱՂԱՔԻ ԱՎԱԳԱՆՈՒ 2018 ԹՎԱԿԱՆԻ ԴԵԿՏԵՄԲԵՐԻ 25-Ի N 45-Ա ՈՐՈՇՄԱՆ
ՄԵՋ ՓՈՓՈԽՈՒԹՅՈՒՆՆԵՐ ԿԱՏԱՐԵԼՈՒ ՄԱՍԻՆ»
ԵՐԵՎԱՆԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ՎԵՐԱԲԵՐՑԱԼ**

	Առաջարկության, առարկության հեղինակը	Առաջարկության, առարկության բովանդակությունը	Եզրակացություն
1.	Երևանի ավագանու Մշակույթի, կրթության, և սոցիալական հարցերի մշտական հանձնաժողով	Հիմնախնդիրների 5-րդ կետում գրել միայն "Երևան համայնքի երիտասարդական քաղաքականության մշակման անհրաժեշտություն", քանի որ աշխատանքների 5-րդ կետում գործողությունների բացվածքը կա: Հիմնախնդիրների ցանկից հանել 8 -րդ կետը, քանի որ դա կոնկրետ գործողություն է և 3-րդ հիմնախնդիրը այդ հարցին անդրադառնում է: Հիմնախնդիրների 9-րդ կետում առաջարկում եմ չնշել կոնկրետ թեմաներ, այլ դրանք թողնել միայն Աշխատանքների 9-րդ կետում: Հիմնախնդիրների 9-րդ կետը կարելի է վերաձևակերպել հետևյալ կերպ. "Երևանի համայնքի երիտասարդների շրջանում իրենց կյանքի տարբեր ոլորտներին առնչվող հարցերի վերաբերյալ իրազեկվածության բարձրացման անհրաժեշտություն:"	Առաջարկություններն ընդունվել են: Կից ներկայացնում եմ որոշման նախագծի լրամշակված տարբերակը:

**ԵՐԵՎԱՆԻ ԱՎԱԳԱՆՈՒ ԻՄ ՔԱՅԼԸ
ԽՍԲԱԿՑՈՒԹՅԱՆ ԱՆԴԱՄ**

ԳՐԻԳՈՐԻ ԵՐԻՑՅԱՆ